

# INUIT ATAQATIGIIT

## INATSISARTUNI



UKA2021/083

4. november 2021

Pipaluk Lynge-Rasmussen

**Ilulissat kangerluata UNESCO-miittortaata angissusaata pitsaaqutai  
ajoqutaalu pillugit Naalakkersuisut UKA2022-mut  
saqqummiussassamik nassuaasioqqullugit peqquneqarnissaanut  
Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

Siullermik aalajangiiffigisassatut siunnersuut pillugu Aqqalu Jeremiassenimut qujaqqaarusuppunga.

Inuit Ataqatigiinni isumaqarpugut nuna atugarput ataqqillugu qanganngoreeraluaruttaluuunniit kinguaatta nuna atorsinnaajuaannarnissaa qulakkeertariaqaripput. Tamatuma saniatigut kinguaatta nuna ataqqillugu ineriartortitsisinnaanissaariaqarput.

Unesco nunarsuarmioqatigiit kingorngussassaattut inissitat Ilulissani, Kujataani Aasivissuit-Nipisallu nunatta ataaqquinaatigai. Uagutsinnut Unescomit nunarsuarmioqatigiit kingorngussassaattut akuersissuteqarfingeqarsimanerput ataqqinaataavoq. Taamatut oqariarluta massakkutut inissisimanerup illoqarfiit ineriartortinneqarneranut akornutaasariaqanngilaq, Unesco ataaqillugu.

Taamaattumik aalajangiiffigisassatut siunnersuut taperserparput, taamatuttaarlu Naalakkersuisut allannguutaat eqqarsaatigalugu taperserlugulu siunnersuut ataatsimiitaliamut susassaqartumut ingerlateqqipparput..